

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 50. Zakona o izvršavanju budžeta Zeničko-dobojskog kantona za 2021. godinu („Službene novine Zeničko-dobojskog kantona“, broj: 7/21), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 124. sjednici, održanoj dana 07.10.2021. godine, d o n o s i

ODLUKU

o uvećanju sredstava u Budžetu Zeničko-dobojskog kantona za 2021. godinu

Član 1.

(Predmet)

(1) Odobrava se uvećanje sredstava u Budžetu Zeničko-dobojskog kantona za 2021. godinu („Službene novine Zeničko-dobojskog kantona“, broj: 7/21) za budžetskog korisnika iz nadležnosti Ministarstva za obrazovanje, nauku, kulturu i sport – JU Univerzitet u Zenici.

(2) Uvećanje sredstava u Budžetu Zeničko-dobojskog kantona za 2021. godinu, vrši se na sljedeći način:

a) na razdjelu 22, budžetska organizacija 04, potrošačka jedinica 0010 – JU Univerzitet u Zenici, sredstva na poziciji 613900 (MDC901) – Izdaci po osnovu privremenih i povremenih poslova, Plan izdaci iz donacija 2021. godina, uvećavaju se za 5.000,00 KM;

b) na razdjelu 22, budžetska organizacija 04, potrošačka jedinica 0010 – JU Univerzitet u Zenici, sredstva na poziciji 613900 (MDC902) – Ostale ugovorene usluge, Plan izdaci iz donacija 2021. godina, uvećavaju se za 18.382,03 KM;

c) u Budžetu Zeničko-dobojskog kantona za 2021. godinu u dijelu A. PRIHODI u koloni Plan 2021. godina, sredstva na poziciji 733122 – Primljene donacije od stranih pravnih lica, uvećavaju se za 23.382,03 KM.

Član 2.

(Namjena korištenja sredstava i izvještavanje)

(1) Uplaćena sredstva od strane donatora Segretariato Esecutivo Dell in.c., Triste, Italy, koja implementira lider projekta Medicinski fakultet Univerziteta u Zenica, utrošit će se u skladu sa finansijskim planom i projektom budžeta za EU projekat: „Optimization and usage of 3D technology in medicine and health care-Learn and experience (CEI)“.

(2) JU Univerzitet u Zenici je dužan sačiniti izvještaj o namjenskom utrošku sredstava i isti dostaviti resornom Ministarstvu najkasnije 7 (sedam) dana nakon utroška sredstava.

Član 3.

(Realizacija odluke)

Za realizaciju ove odluke zadužuju se Ministarstvo za obrazovanje, nauku, kulturu i sport, JU Univerzitet u Zenici i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-13509/21

Datum, 07.10.2021. godine

Zenica

PREMIJER
po ovlaštenju

Spahija Kozlić

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x JU Univerzitet u Zenici, putem Ministarstva,

1x „Službene novine Zeničko-dobojskog kantona“,

1x a/a.